

جمال  
امریقا

در سعادت

۱۳۲۶

## جہاد

عسکر ارفداشلیریمزك شجاعت فطریه لیرینی  
تشدید وسائر یولداشلیریمزك - کولکلرنده ذاتاً  
مرکوز اولان - افکار عسکریه لیرینی تدید  
ضمننده مجاهدین اسلامک مآثر سفالہ اجہاد یه لرنده  
بعض فقره نك رساله مزه درجی - امرینه اطاعتی  
کندجه شرف عد ایتدیکم - بر بیوک ذات  
طرفدن امر اولندیغندن کرک عاجزانه او کر نه  
بیله دیکم فقراتی تصویر و کرکسه . مطالعه کنارم  
اولان او مثللو موادی عیناً نقل و تحریر  
مجبوریتنده بولندم .

سرلوحه یه فقرات جهاد تعیر ایتدیکمز  
ایچون (جهاد) و عباره اراسنده کراراً کچه جک  
اولان ( مجاهد ) لفظ لیرینی - لسان شریعتک  
تحدید ایتمش اولدیغی حدود دائره سنده - تعریف  
ایتمکله مقاله مباشرتی اولی کوردک .

جهاد - اعلان کله وحدت . اجرای  
احکام شریعت . استراحت ملیه . وقایه شان

دولت . اعماریء مملکت . امدادرس امت .  
 محافظه وطن . نیت خالصه سیله افراد ملتک الی  
 سلاح طوتانلرندن ایجابی مقداری آدمک  
 سلاحلنوب بر آره یه کلهرک اوز قونداش کبی  
 متفقاً وبر برینه مر بو طأ دشمنله دو کوشمه لرینه  
 تعیر اولندیغی مثللو بو تعریفی اجرا ایدن  
 ارلرده «مجاهد» دنیور.

غز او جهادک فرض اولدیغی هر کسک معلومی  
 اولق حسیله تکرارینه حاجت مس اتمیه جکندن  
 یالکر تعریفات سابقه ایله اکتفا ایله دلک.

(۱) ﴿ فقرة جهادیه ﴾

مشهور ناپولیون بونا پارطک مصره استیلاسی  
 زماننده در سعادتدن امداد کوندرلدیکی صروده  
 استانبولده بایراق آچان اغالردن سیم کشخانه  
 اوسته سی سیف اه اغانک آچدیغی بایراغک التنده  
 طوپلننن بهادرلر اره سننده اون سکر یاشنده حلیل  
 اسمنده بردلی قانلی دخی قید اولنمغه کلور.

عثمانلیرک احوال فوق العاده لرندن اولان  
 تحقیق حال مادهء مستحسنه سنی اجرا ضمننده خلیلک

نه جي وکيمک نه سي اولديغني کنديسندن استفسار  
 ايدرلر. حليل ايسه «بابام عسکرايمش غازيلکله اولمش  
 شمدي بروالدمله همشيرهم وانشته مدن بشقه کسه م  
 يوقدر » جواني ويرر بونک اوزرينه سرکرده  
 سيف اه اغا «اوغلم سکا غزا فرض دکدر  
 سن قالده والده که باق »ديه جواب رد ويرنجبه  
 حليل «باباجم ! يني بورايه کوندرن والدمدر  
 هايدى اوغلم غوغا وارمش کيت سنده بر بايراق  
 آلتته کير ! اويمزدن هر غوغايه ارلر کيدردي  
 شمدي نوبت سکا کلدی . کيت ! يني دوشونمه  
 بن کندم چاليشورم اللهده بکا امداد ايدر ذاتا  
 انشته کده وار بکا باقار سن کيت ! اللهک امريني  
 يرينه کتور-ديديده کلدیم» جواب مردانه سيله  
 قارشولديغندن قبول اولتور فقط ينه ال التندن  
 محيماً والده سنک حسن رضامى اولوب اولديغني  
 تحقيق اولنه رق کيفيتک صحتي تين ايدنجبه هر  
 کس حليل القشدر.

برالرق حليل اوينه کلوب والده سنک النى  
 اوپه رک «اناچم ! اللهک عنايتيه سنک حسن

## جهاد

۵

تربیه‌کله بو بویه کلدم. الحمداه عسکرده اولدم.  
یارین او بر کون کیده جکر. دها براز نصیحت  
ایت؟ «دیر والده سی ایسه اوغلنک آئندن  
اوپه رک کال متانتله «اویله ایسه ارقدن کل  
دیوب اوک اک اوست قاتنده حلیک بویاشنه  
کنجه یه قدر کیر مامش اولدینی براوطه یی آچوب  
ایجرویه سوقار.

اوطه نك درت دیواری محاربه دبوی کبی  
بر طرفنده قلیج طبانجه پلاصقه سلاحق دیکر  
طرفنده عثمانلی آتلیینه مخصوص آت طاقی قهرمان  
کسوه سندن معدود باجاقلری مشین قابلی پوطور  
وبر نهادر جامه دانی ایله مزین ایدی... او والده  
غیوره سردار لر اغزندن چیقار کبی - «اولادم!  
بو سلاح لر بوالبسه لر رحمتی بابا کک بو طاقلرده بندیکی  
آتک ایدی عمر کده یدی کره غوغایه کندی  
کندی نك بونلرک وملتک ناموسنی محافظه ایدرک  
غازی کلدی. اولزدن اول بورایه کندی آصدی  
- او غلم حلیله صاقله - . دیه و صیت ایتدی...  
ایشته زمان کلدی. بونلر سنکدر آل کی!

شو چقینده غالبا یوز قدر التون وار . اونلریده  
 کمرینه قوی! باشک صیقیلورسه . آرقداشلرندن  
 محتاج قالان اولورسه صرف ایت! « - نطق  
 عالیمتانه سیله اوغلنی کیدیرر قوشادر وایرتسی  
 کونی آتته کوزلجه برده آت چکر .

حلیک یوله حیقمسنه بر ایکی ساعت قاله رق  
 او طه سنه آلب قزینی ده چاغروب دیرکه - «چکر  
 کوشام! جناب حق سنی بزه باغشلدینی زمان  
 چوق یشار ویزی محافظه ایدن بهادرلردن اولور  
 دیره رک ایچرودن بن طیشارودن باباک چالیشه چالیشه  
 اللهمک عنایتیله سنی بوبویه کتوردک . مرادیمز  
 شمدی حاصل اوله جق . سن غوغایه کتدیکنده  
 هم اللهمک رضاسنی تحصیل هم پدرینک روحنی  
 شاد همده بنم قلبمی ممنون ایده جکسک... هایدی  
 یاوروم کیت! الله بدنکه صحت قلبکه شجاعت  
 احسان ایلسون . امزردیکم سودی وانالق حقنی  
 حلال ایتمهی ایسترسه ک سویلیه جکم سوزلرله  
 عمل ایده سک!

ارسلانم! نروده اولورسه ک اول نمازینی نیازینی

مسلمانلیغك احكامنی اجرایه هرشیدن زیاده چالش  
 صکره ده یا نمده اولدیغك وقتلر کبی تربیه لی کر،  
 ناموس ایمانیه که اعتبار عسکریه که لکه کتوره جک  
 ایشلرده بولنمه. کرک یوخلیغندده کرک قوناق یرلرنده  
 صقین کسه یه ضرر ائمه. دشمنه بیله عدالت  
 ایت. دینمزك امر ایلدیکی شیلردن بشقه بر ایشده  
 بولنمه.... عثمانلیغنی هر یرده کوستر....  
 غوغایه باشلدیغك زمان کویا دشمن بر مسلمان  
 خاتوننی اسیر ائتمش اوده بن ائتمش کبی انتقام آلمغه  
 و او خاتوننی قورتارمغه چالیش! ... کچن کون  
 و اعظدن ایشتمم مغربده بر مسلمان خاتوننی کافر لر  
 استر ایتسه لر مشرقده کی مسلمانلر قورتاروب اهلنه  
 تسلیم ائتمک ایچون غزا واجب اولورمش....  
 ایکی گوزم! صقین شیطانک اغواسنه  
 الدانوبده غوغادن قاچیم دیمه! اولومدن هیچ  
 قورقمه؟ مخاربهده اولورسه ک شهید اولورسک  
 اخرتده بکاده شفاعت ایدرسک. رحمتلی باباک یدی  
 کره غوغایه کتدی هیچ برنده اولمدی. نهایت  
 اوکمده جان و یردی اولورکن. آه شهید اولمدم

ديهرك كوزيني قبادى .

اولادم! الله كوسترمسون بوزغئلق اولسه بيله  
 قاقچه هر كس نزهه كيدرسه سنده اوراده بۆلك  
 اللهم عنايتى يتشورينه غلبه چالارسكز. سندن  
 اومديغ غير تديرده بولنورمده غوغادن مکتوبلر  
 كلش دشمن بوزلمش انتقام آلمش ديه عالمك  
 اولادلرندن خبر ايشيدرسه م - بيم اوغلمدن خبر  
 يوق الحمد لله شهيد اولمش - ديمكله اقتخار ايتمكى  
 ايسترم. يوقسه بن اولقرديلرله سوينوب طورر  
 كن قادينك برى - «واى سنك باشكه! سن قاريدن  
 طوغان اوغلانندن جسورلقمى مأمول ايدرسيك  
 اوغلم مکتوبنك كنارينه يازمش سنك اوغلك غوغادن  
 قاقچش» - ديه جك اولورسه او آنده يورككه  
 اينر اولورم. شايد صاغ قالسه م بيله سكا قپويي  
 آچام - كيت سن ناجر مسك - ديه اودن  
 قوغارم. حقلريمى حرام ايدرم، هايدى اوغلم  
 كوره يم سنى « يا غازى يا شهيد ». هادى ياورم  
 هايدى ارسلانم ديهرك النندن كوزلرندن اوپر  
 در حال همشيره سى دخى سوزه باشليه رق «قرنداشم